

GOSPEL TANGKOU


(Gospel Herald)

Issue No. 1

Volumn : XXXVI

January-February

2022



*Jesu ahing thou a, huipi leh tuipi aphoh a,
sim unlen um khinkhien un achi hi.*

2022 KUM THUPI

“Galkhat lam ah igalkai ding uhi.” Mak 4:35c

EDITOR:

Rt. Rev. Dr. S.K MANLUN
Bishop

Gospel Tangkou January-February 2022

EDITORIAL BOARD

Founding Editor:

Rev. M. Hauzalian
Mobile No - 9862736491
E-mail : eimithumpawl@gmail.com

Editor:

Rt. Rev. Dr. S.K. Manlun
Mobile No - +91 9612152332
E-mail : melchqtrs@gmail.com

Joint Editor:

Rev. Nengkhanlal Milun,
Director of Ministries
Mobile No- +91 6009924646

Managing Editor:

Rev. Kamminthang,
Director of Missions
Mobile No- +91 9612281530

Contributing Editor:

1. Rev. Dr. Hangminthang
Mobile No. +919612997858
2. Rev. Thangliankham
Mobile No. +9862830905
3. Pastor T. Chinlunmang
Mobile No. +91 7630854610
4. Pastor Kamneithang
Mobile No. +91 8974609177
5. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

Editorial	1
Pasian hoina.....	3
2022 Kum Thupi	7
Tukum 2022 sunga...	13
Ginna khu silbawthei ahi	15
Gingtu hinkhuo a...	18
Khangpidaw 2022	21
MLA Election Ni leh...	27
Zogam a Tangthupha...	28
MELC Pastors' Meet....	31
Evangelist Commissioning...	32

Patron Member ₹.2000/-
Kum khat lah man:
Khut ah - ₹.200/-
Dah ah - ₹.250/-

Article zousie Editor kunga pieh ding; ahilouleh, e-mail in
melchqtrs@gmail.com leh **WhatsApp** tungtawn in a piehthei ding hi.
Tualeh, a lahman Circulation Manager kunga pieh ding ahi.

Editorial laikung pan



Gospel Tangkou simtute zousie Jesu Khrist min in KUMTHA chibai. Kum 2021 ijah lai in kumtha melmu vang chi'n koiman igen ngam sih ua, mi damthei mama ten jong hing na mualliem san ua, mi dam theilou ichi khat teng kum tampi hing dampi uhi. Tunia eite ihoi man hilou Pasion mapuina toh kumtha 2022 mel hing musah, hing galkai sah Mangpa min phat in umta hen.

Pasion lungsietna toh 10th-12th December 2021 sungteng MELC Annual Assembly Headquarter Church, Zomi Colony ah imang zouta uhi. MELC kumtawp khawmpi leh vaihawmna ah Belampu/hattuom Upa ding in mi 6 ordination ibawl uhi. Amaute ahi leh Upa Chinkhothang of T.Vjang, Upa Ginsuanmung of Allusingtam, Upa Kapkholal of Leijangphai, Upa Khamsuankhai of Sugnu, Upa Khamzalal of Zoumunnuam leh Upa Dhara Ram Reang of Tripura te ahi uhi. MELC hattuum ten Pasion guolzawlina itan uh na ngaituo kha ngai uai? Mission field a inei uh Manipur Meiteite Pastor Mangleme ordained ibawl ua, Tripura ah tukum in Upa Dhara Ram Reang hattuum upa ding in ordained ibawlta uhi. Mangpan hunpha hingpe ding a Mission field tha a inei uh Varanashi, Utter Pradesh ah jong Pasion nasem ding ordain ibawl hun uh hing tung ding kalam en hi. Mission field a Pasion nasem ding mi ordain ing bawlthei

pen Pasion guolzawlina leh lawching in ka ngaisun hi. Hun leh nite hoilam sang a hoilou lam manaw ta ahi a, khatvei chieng in eite vakuon zoulou ding ihi ua, eite tang a sem ding in agam mite Pastor leh Upa a jahthei ding aordained ibawl pen hing phattuom ding ahi.

Tua leh tukum MELC Assembly phasahna toh Evangelist mi 3 bang ilah be ua, amaute ahi leh Evan. M. Goukhanpau of Imphal, Evan. Ginminlun Tawtah of Singngat leh Evan. Khailian-thang of Immanuel Khopi te ahi uhi. Amauten a Inn mun uh pansan in MELC huongsung a hattuum teng abiel uh ahi ding hi. Pasion gam nasepna ah Hagau lam a hattuumte vah ding in theitop hing suo ding in ideisahna thu toh i vangbuah uhi. Tukum local hattuum ten Evangelist tha mi 3 te melmu ding ihi ua, Pasion min toh ana lamdawn ding in jong iki theisah uhi.

Gospel Tangkou January-February 2022

Tukum MELC Kum thupi
“Galkhat lam ah igalkai ding uhi”
Mark 4:35c. ahi mabang in Khrist a kaseppi Pastors, Evangelists, Promotors, Office staff, hattuom Upa leh member jousie ten theitopsuo in Pasian nasepna ah kumlui a sang a hapan zaw a, galkhat lam a galkai zouding ding semchiet ding in iki chiel uhi. Nuazuite zong galkhat lam a agalkai na ding un gentheina tampi ana thuoh uhi. Khopihui hat tah ahing lang a, tui kihot vajungte a kuongsung uah ahing lut a, nuazuite a ding in suotatna ding lampi um nonlou ahi, hi nan leh agalkai thou uhi. Pasian nasem ten zong gentheina leh hasatna tampi ithuoh zouchieng ua galkhat lam ah galkai zoubep ding ihi ua, tua thamlou in Pasian nasepna lamdang tah kinga ding khu ilam en zing ding uh ahi. Nuazuiten hamsatna a thuohlai un amau bawltheina ah kinga lou in Jesu a chiel ua, Ama hing thou a, huipi a phawh a, tuipi kung ah sip in len um khinkhian in chin thu apie hi. Tua chin atopna a asipta hi. Tua zou in nuazuite a phoh tahi, bang chidan a hichi nahi uai? Ginna mawng mawng na neilou uh bang chidan ahiai? Achi tahi. Nuazuite hinkhuo ka ngaitua chieng in lamkhat ah phohtah jong kasa a,

Jesu toh umkhawm ahi lam uh jong ki thei talawm lou uh, Jesu muong zoulou ahi dan uh aki lang a, Ama amuon zawlou dan uh Jesu a theichien hi. Jesu toh umkhawm hinapi zauna ngen in a dim ua, Ama nasep ding ngak zoulou in a um hehu uhi. Khatvei vei ei gingtute jong Jesu ki muong zoulou, Pasian in ahuntah a na asep ding jong kingah zoulou khaleng jel ahi. Pasian pen a muong in muong phot lei, a gin in gingta phot lei, Aman iginna toh ki tuoh a na hing sem ding ahi. Galkhat lam ah igalkai theine ding in ium na ngai a um nonlou a, missionary nasepna ding na pieh ngaiza pe nonlou a hagau mangthai matna dia kalsang zawsem suon ding kul ahi tahi. Pasian nasemte jong hamsatna tampi maituo ngam ding in pan ilah uh kulta ahi. Jesu Khrist gintatna toh kalsuon a, tun nailou na munte ah tun sawm vai, sep nailou na munte a sepsawm vai. Jesu Khrist gintatna toh galkhat lam a galkai a hagau mangthai tampi mat ding a um a, tuate kung a galkai zouding in thumkawm in panla va ui. Nang leh kei galkhat lam a galkai zouding in Mangpan hing suhat in hing umpi zing taken.

Gospel Tangkou January-February 2022

Pasian adia

KHRIST GIMNAM TUI KA HI UHI.

(Sim mun ding, Pasian thusiengthou, 2 Korinth 2:14-17)

*Rev. Suonboi Tungdim,
Local Pastor Shillong*

Pasian mapuuina toh Gospel Tangkou in Hattuum vai leh tanchinpha igenna te peitousah jel ahilai jieh in, Editorpu leh aseppih te leh Pasian kungah i lungdamh chiet ding uh ka ki nem hi, amaute pan lahna toh eiten tambang tangkou inei uh ahia a thupi mama hi.

Pasian thusiengthou, 2 Korinth 2:14-17 sung a thumal pen St Paul in Korinth mite kung a akhuojinh 3 vei na hun a Masidonia gam a Philipi khuo a pat a ana giel ahia, aman Korinth mite tawndaan leh omdan te uh abuoi pi a ajiehpen, Hagau lam sil ah, haam mah a haam thei, hagau silpieh ah dinmun saang mama uh, ahivaang a lah tahsa lam sil ah a buoi buoi ahi jieh ua, hinkhuo kikhel lamdang a, ajuui pa uh Christ tawn dan bang a tawn dia a deina thumal ang gen a hi.

Amaspen in, guoljawl na hing pe jelpa, mun chin a Ama theina gimnamtui theisahpa kung ah kipah thu om ta hen achi masa pen a, agen nuom pen Who always lead us Diabol

gaal isaat laai a gaaljaw na hingpepa, Pasian kung ah kipah thu a tut masah ahi, ajieh pen, hundam omte leh mang-thaaite lah a Pasian a ding in Khrist gimnamtui kahi uhi achi hi, abaan ah agen kia jel na ah, mi pawl khat te ding a sina dia sina ding gimnam tua leh mi pawldang khat adia hinna ding a hinna gimnam ka hi uhi a chi. Tualeh midang pawl khat te bang a Pasian thu gen na lam ah mitampi ten dihluo (Corrupt) tah a sep uh bang ka hi sih ua, gin om tah in Khrist ah Pasian thu ka gen jaw uhi a na chi hi.

Pauline thought ichi diei ma Paul lungsim ngaituo thu apat thu ana om sate toh kaaikhawm a nagiel kammal ana hia, Nidanglai kumpi gam

Gospel Tanchikou January-February 2022

khat leh gam khat kodou tuona kisimh tuo na gaal kikat laai hun a sil pieng pen tam bang dan ahi hi.

Gaal saat a kuon ten gaal ang jaw chieng un, thupitah a guolnop bawl a Aih tei tei ding tawndan anahi mel a, aguallel gam mite a kumpipa apat in agaal kaap lamkaai lienpen leh galkaap hangsangteng leh adang poimaw asah uh mihaw hi ang man ua, gaalhing mat a ang jawpih uh ahi, Tam hun in a guollelh, Kumpipa ahi lou leh Gaalkaap lien pen (General pa) khai-nieng (Chain) toh a khii ua, tua leh abaan baan in ang jawpih uh ahi, gaalkuon lamte vaihawm lien (Officers) te, Pengkuul mutte leh tunging tum te, agam lahsa lim (Map) te leh a tembaw limte tawite, gaaljaw na kipah na maitam alat ding bawngtal belam te, leh siempu gimnamtuui haal te leh akuon lam galkap General apat galkaap minautang teng in tunging toh thuo in tua gimnamtui kihaal toh innlam ang jot uh ahi, tua chia khawpi ang tunh chieng un mipi teng toh a uul theitop, agimnaam thei top, kipah na thei top toh gaal aii ding gaalhing kiman teng thaasieng ding chi pen ana tawn daan uh ana hi.

St. Paul inh, amasa pen a agette na ang gen pen gaaljaw na hingpepa, achi khu, Setan gaal isaat laai ua, jawna hing pie khu Jesu Khrih ama tung ah kipah thu om taheh, ajieh pen eite jaw thei sil ahi sih a ei gaal jou sahpa Jesu ahi a china ahia, tua leh gaal hing kiman khainieng a kikhii jongh Dawimaangpa agenna ahia, gaaljau lamkai General pa pen Jesu Christ agen na ahia,

Thaa ding aa hing kikaai te a ding in tua Siempute gimnam lhut gimnam pen sina ding a sina gimnam ahi a, hi jongh leh a galjou lam te a ding galjaw na leh hinna gimnam ahi dan Paul in agen nuom ahi. "Ajiehpem hutdam a omte leh mangthaite lah ah Pasian aading in Khrist gimnamtui (Aroma) ka hi uhi." achi hi. Abaan ah agen kia jel a, "Pawl khat khatte a ding a sina ding a sina gimnam kahi ua pawldang khat adding in hinna ding a hinna gimnam kahii uhi" achia, agennop thu ah, kouten Gospel Tanchikou katangkou uhpen, ei Khrist gingtute a ding a Hinna thuphaa ahi vaang a, agingtalou midang te a ding a, gospel pomtheilou te ding a sina thu kitangkoupi giap asuoh hi chi nuom ahi hi. Ama gingta pouhma siem-mawh tan sah in

Gospel Tangkou January-February 2022

a om sih a, hinanleh agingta lou pou ma siemmaw tan sah ahijou ta.

Tuhun a ei Amisiengthoute kalsuondan leh om dan te jongh midang te ding a sina dia tanchinphaa phuong jaah ahilou leh pawl khat dia hinna gimnam te ihi laai un, Paul inh lunghimaw na anei jiehi vaan inh, Koute pen Pasion adia Khrist gimnam ka hi uh chi hiveh aw, tua leh corruption tah a Pasion thugen ka sih ua gin om tah a Pasion thu gente kahi uhi achi hi, tunia ngaituo khawm dia kadei pen.

Ei tuni gingtuten, gaaljaw na eipepa kung ah kipahtu gen kawm in, I gimnam na ah Pasion adia Jesu Khrist gimnam in ikithei naa am? I gimnam pen, midangten bang atuot ding vuoi le, Hagaau gimnam asaa ding vuoi, ahilou leh tahsa vai a, khamthei, guithei, tep leh muom, numei-pasal thangtat na leh, dihtatlouna, sienthoulou na gimnam in midang ten igimnam aja in athei ding vuoi.

Tuipi gaal lam gamthupi khat a gimnam (Perfume Aroma factory) siem na mun a, nasem pasal khat hi nitah chieng ahun kituoh tah a city

bus ang tuon jing lai in tua city bus hehpan (driver) inh, nikhat ang houpi a, Lawm nang Perfume siemna a nasem na maa chi ang dongh ta, tua mipa inh, bang nei chi thei khiet ahiei, achi laai in motaw hiapa'n Na gimnam ah kang thei hi, achi hi.

Tam nasem pa pen agimnam ah atoukhawmpi, a omkhawmpi, akinaipi leh midang ten agimnam ah a thei khiet mai uh ahi. Tunia hi eite, I gimnam I lawm ten a thei in ei dong ding hi leh, bang gimnam ei chi ding vuoi le, I ginam pen, Ju gimnam.. Talap, Khaaini, Shajan, Tuuibuh, jatep, Numbat li, bingh, Kaanja, leh adang, Gutatna, huasan na, sum leh paai ah, negu pa negu nu giim inam khade aw, thaanghuoi houliim na, sienthoulouna om dan, I nasep ipanh mun leh I nehsuui nate leh dihtatlouna te ah, I gimnam pen bang pen in ginglou mite leh gingtu te thei ding in bang gimnam ahi ding vuoi le? St. Paul in pen koute Pasion a ding in Jesu Khrist gimnam ka hi uhi, chi chet ahi.

Ajiehpen, mitampi ten Pasion thu khu dihlou tah a ajaah bang un kouten kabawlsih uhi.. Khrist ah Pasion thu ka gen jaw uhi, Gaal hingjousahpa Jesu nuajui leh anasem ten, ijuipa uh

Gospel Tangkou January-February 2022

gimnam, apoimaw diehset a, omdaan ding akilawm mawng
Khrist gingu te jongh Khrist in om unlen, kinggai nate leh
gingtuu hina gimnam ding sienthou louna jousie leh
a, Tapidaw saakhuo ah tapidaw huoihamhna, nalah uah
sakuoma gimnam ding hai a, lawkhah in omnawn sih heh.
Niteng hinkhuo, igimnamtui Jummau thu leh thumot huoi a
ah:-Thuum tamna gimnam houliim nate ahi sih leh
(Aroma of Prayer) Khiel kisia I chiemmuui thaanghuoite
nahi na gimnam (Aroma of our akilawm lou ahi, tua te saang in
repentant) Pasion adia teechee kipaah thu genjaw un.

panh na gimnam (Aroma of our Kei Pasion ading in bang
Witness) Niteng hinkhuo a itna giim ka nam e ? Kagimnam
leh hindan hoih a gimnam na (Pasion lungkiim nava...Lungkim
Aroma of Love and daily good lou mai theih!

life) te ah kithaa ngaih tuo hun Gal khat lam kaai ding in
ahi ta hi, Eph.5:1-5 Tuajieh in ta igiim nam ten ang hat sah in ang
deinoute bang in Pasion lawching sah na diei ? Paul inh
omdaan juite hi un, Khrist inh Koute Khrist giim nam te ahi uhi
eite ahing it a, Pasion kung a achi hi
sillat leh kithoih na gimnam tui
ding a, akipieh bang in itna ah
om un hinanleh misiengthoute

Simtute Mangpa thupha.

VONDEI SAULIIM

January 2022 a Home hing vete

1. Pu ND Samte, Moreh - Damdoi chi tuom tuom
2. LYF Moreh - Rs. 9100/-
3. Nu Lunching, Eiveng - Cup Cakes
4. Miss Blessy, Hyderabad - Rs. 1000/-
5. LYF Moreh - Tin fish box 1, egg plate 5, Onion, garlic, potatoes dal sugar etc.
6. Nu Mangnu & Ngangai Tuibuong - School bags 15, Naupangte puon second hand mix leh socks.
7. Anonymous - Mimi Box-1

2022-KUM THUPI

“Galkhat lam ah igalkai ding uhi.”

(Mak 4:35c)

~ Pastor Khup Do Khen

Gospel Tangkou simtute zousie Kum tha chibai ka hing buh hi.

Tukum 2022 Kum Thupi dinga ilamkai te'n ahing tel doh uh, “Galkhat lam ah igalkai ding uhi”chi thuguol neukhat sut lei ichi uhi.

Tuami ni mama in nitahlam ahing hitah in, Aman akung uah, “Galkhat lam ah igalkai ding uhi,” achi hi. Mak 4:35.

Tam atunga ilaisiangthou tang gen uh khu I Mangpa Jesu in heisung mun a, bang toh kisaikha a, agen ahei chi neu khat enzual va ui. I Mangpa Jesu'n, mun awng leh mun thoveng deu muna mipite Thuhilna anei chiengin, din kawm in agen ngai khol sih a, tou kawm ngen in agen zaw hi. Mathiu Bung 5 na sunga, A thuhilna minthang mama MUALTUNG THUHILNA chia kithei den jong khu tou kawm a agen ahi hi. Tuni a igen dinguh ikum thupi uh jong, Jesu'n Galilee guun piau a mipite athu hilna thu ahi a, guunkuong tunga toukawm a agen ahi hi. ***“Tualeh tuipi piau ah thu ahil pan kiata a; tualeh mipii hon tampi akunga ahing kikhawm ua, tuachi'n tuipi tunga kuong***

sungah alut a, atouta a, tualeh mipi zousiie lui pieu a leitungah, tuipi lam ngain a um uhi”. (Mak 4:1).

Anuazuite leh mihon tampite, thuhilna nei dinga tami mun ahing tun masangin, suhdamna nasep, natna tuom tuom nei mi tampi asuhdam jieha, Pharisaite'n thalup sawma akikup na uh, Jesun anuazui ding mi sawm leh ni atelna, ngaidamthei leh ngaidam thei lou khelna te leh **ki Unau na dih** chi thute, mun tuom tuom leh hun tuom tuom agen kawm a, anuazui te toh hing kalsuon ahi hi.

Tami Galilee guun piau a Jesun Thuhilna anei lai in, Thupi tamtah, thulu kichientah nei gentena thute toh mipite thu ahil

Gospel Tangkou January-February 2022

hi. Atangpi in, heisung mun hinanleh, Jesun thuhilna anei pou pou chiengin, thu hahsa leh athugen ngai a um mipite leh anua zuite'n amatzoulou uh leh athei joulou uh thuguh bangjat ahei khat akijep lut jel jel hi. Tuachia, mihonpi lah a, Jesun thuhilna anei simsiel in, anuazuite kungah hilchienna, theisiamsaahna hunlemtang ah abawl manghil vot sih hi. ***“Hinanleh gentena thu louin akung uah, thu agen ngai sih hi; tualeh nuazuite toh amau ngen a aum chieng un, nuazuite kungah sil zousie ahilchien zel hi” (Mak 4:34).*** Tami guun piau a Jesun athugen te khu – buchi thepa, meivah, haichi, ankamtang leh tuipi sipsahna ahi hi. Hinanleh tam agentena thu Jesun agente igen sawn sawm sih ua, galkhat langa ava galkaina lam uh thute genzaw lei ichi uhi.

Bangteng hileh, Jesu anuazuite toh galkhat lam a ava galkaina ding mun uh khu gam hoilou, dawi le kau leh migiloute tamna gam ahi hi. Mi koima pei ngailouna leh gammang gamsip tah jong ahi hi. Anuazuiten jong lunghimaw leh zau kawm kawma azui uh ahi. Guunkuong toh tami guun akan sawmna mun uh jong, mun taanzau leh mun

nopmama leh ngasa tamna mun jong ahi hi. Hinanleh tami mun pen, Tuipi Dawi (Setan) tenna mun hidinga jong gintatna lientah um ahi hi. Jesu leh anuazuite peilaitah guoh hilouin, ahun huna tuipi in thawm neijel leh tuikihot thupitah tahte ana umjel jel na mun ahi hi. Tuabbanah thakhat thu a huipi guohpi hatna leh khopi hui a laan gui guina mun jong ana hijing ahi hi. Ngaman mite leh minautang tampite'n jong, tami mun ah tuohsie tuohin, ahinna te uh ana tan law na mun uh jong ana hi ahi. Jesu leh anuazuiten tami guun kantan a, galkhat langa peisawm in, guunkuong sungah ahing tuong ta uhi. Tuipi lailunglam ahing tun laitah un, khopi hui hattah ahing laang ta petma hi. Tuipite hing kihot in kuong sungah tui ahing lut jungjung ta a, suohtatna ding lametna aum het sih hi. Zau huai mama ding hi. Tami hun laitahin, Anuazuite khu Jesu toh umkhawm hina gia-gua pi ua, bang jieha zau leh chikiling jena, ***“mangthang ding hita ung”*** chia kimoh kou uh ata diei? Tamnah nuajuite'n Jesu amuan zoulou dan uh leh atheisiam joulou dan uh akilang vot hi. Shi le man ituoh tah leh jong Jesu toh tuoh khawm maivai chi in, lungmuong tahin umle uh Jesu

Gospel Tangkou January-February 2022

kipahna hiding ahi hi. Bangteng hileh, nuazuiten Jesu nua ahing zuina uh ni leh ha jong sawtnai samlou ahi chiengin, oimaw da kon va ui. Nang leh kei jong Jesu toh umkhawm jing napi a, jau leh linga, lungkham mangbanga umjing thou ihi uhi. Tami pen Jesu igintatna uh atawm jiehi ahi hi. **“Siepa, ka mathai uh khoh salou na hiei mah?” (Mak 4:38).** I Mangpa Jesu nuazuite’n, khopi hui alaan laitaha azau pen uh khu bangma dang ahi sih a, tahsa shina ahi. Hagau thu ahi sih. Siepa’n aman thai ding uh khohsa seng senga, Vanmun loupitah nuasia a leimun ngiempen ahing pieng ahi dan thei thei lou leh theisiem loute ihi uhi. I kunga, tasa leh hagau a, ei hing hundam theiding siepa umjing gia-gua napi a, manthai ding thu moh gen gen chipen, isiepa adinga, lungsim nat vavungna hi teitei ding ahi. I Siepa uh isimmawna uh jong ahi mai hi. Ngaisun tha kia va ui. Aman akung uah, **“Bangdinga hichi zau na hi uai? Ginna mawng mawng na neilou uh bangchi dan ahiei?” achi hi. (4:40).** Ginna mawng mawng na neilou uh bangchi dan ahiei...!!! Achi hi. Tami thugual in Jesu lungsim asuhnath dan uh ahing dohsah mama hi.

Tuachiin, khumi khopi hui leh tuihual kihot jauhuai mama te khu, I Mangpa Jesun aphohthopa asip ta uhi. Tami nua akipat tunitan dong khumi muna, thakhat thu a, theikhol loupia, khopi hui lang leh tui kihot umjel jel khu aum non mong mong sih hi.

Tu leh tu a ei, MELC mileh sate jong, iginna uh atawm seng seng jeihin, igamatdan, iham zahdan, ikhoheidan, hattuoma iginumlou dan, Laisiengthou isim peilou dan, silhoi ithei thei lou dan, hattuom kimawlnan ijang ua, buchim haw in ihot ta uhi. Hattuom sum amet nehna dia percent a ihah dante leh khumi percent jong I member pite theilou kal a, iki nehda hina lai. A khang akhang a gotdan siem, khangthum khang li tana pate khelna tate tunga phuba lazing Pasian bie ihi dan uh thei chien sawm deu tavai **(Pawtdohna 20:5-6).** I hindan leh Khrist tanchinnoi aki tuoh lou dante entha kia vai. Kum teng a Local Audit buai gige, kisuh theilou chi hi jing mai...Hattuom sum ba...bat mang somgu sim gige chivel ihi tazen uhi. A hing gen mai pieh ding, ahing gen beisah ding inei pouleh khohsa lou kihi va yie. U le Nau, lawm leh guol, tu le

ta ihau jieh ua kimuang mama jong ium uhi. Hagau a ginna toh kalsuan loua, tahsa mitna toh kalsuan tentun ihi dan, Pasion in ahing etsuh nget ngut chiengin, anuazuite kunga agen ma banga, **ginna mawng mawng nei talawm lou na hi uai ma** hing chi tei tei ding ahi hi. Bangchiin idawng ta diei le?

Tamna U le Nau, lawm leh guol, Tu le ta toh kisai thupen, nuazuite'n athei chien theina ding un, Jesu siltuoh khat, nuazuiten jong atheisa uh aum hi. Khumpen bang ahei ichi leh "KI UNAUNA DIH" chia ana gen khu ahi. Jesu Biehinn sunga aup lai in akung ah, "Na nu leh na sanggam ten ahing sui uhi" chia agen lai un, Jesun dawnna lamdang apieh khu imu uhi. "Ka nu leh ka sanggamte koite ahi uai?" chi ahi. Tamsan lai taha Jesu kammal te apatsa ijil khieh ding uh bang ahei ichi leh, Jesun, leitung tahsa silte buaipi lou a, hagau silte bou ibuaipi ding uh adeina ahi hi. Eite pen tahsa pei, tahsa mi ihina lianseng seng, hagau mi ihina beivot a hinkhuo jangte ihi uhi. Tuajiehin, Crusade, Camp, Revival leh Chielpi bawl bawl nanlei jjong, galkhat lama galkai joulou isuoh leng uhi. I

hagau silte buaipi phot lei adangte Aman ahing pieh belap ding chi in kamchiem ana bawl ta hi (Mathiu 6:33).

Hattuom sum na bat nadit lou a, hatuom mite khovel pilna leh thuneina toh na pui a, awmgum-bantha hat na jaha, koima bangma genngam loua nakoi a ahileh, na umna hatuom khu **PASIAN SUMPI, MISSIONARY, BUILDING, GENTHEI THAWLAWM LEH** hatuom toh kisaia sum kidawngte jousie a *kivuilupna hanmual ahing suoh dinga*, ahing namse dinga, ahing ui gop ding hi. Nang jiehin, na hatuom mite ahing thada tading ua, nang lah kidihisah mama in midangte mawna ngen ngen na gen gen ding hi. Pastor hangsan taha, thudih gente jousie khu, mudana leh ninggot utna leh huot mama na lungtang na hing nei jing ding hi. Na kisia siha, na topsan sih leh Kumpi Saul sunga hagau gilou alut bangin, nang sungah jong hagau gilou ahing lut ding hi (**1Samuel 16:14**). Na jop toujela, na top lou lai lai leh Juda Iskariot mabangin, nalungtang sungah Setan ahing lut dinga, Pasion mizah Pastorte, upate leh hatuoma migin umte tungah nakhut jong na hing ha ngam mama ding hi (**Luk 22:3**).

Galkhat langa galkai man louin na leitung hinkhua ahing bei tading hi. Kingaituo chiet vai.

Leitunga Jesu leh anuajuite ahing lenlai un, sun le zan chi umloua, vah khawm, ne khawm, dawn khawm, giehkhawm a hinkhuo jang ahi uhi. Jesun, anuajuite mitmawna, achit lounate uleh ahatlouna te uh khu, mihonpite lah ah phohna leh hilchienna abawl ngaisih hi. Ama uh teng kimtah a aup chiengun, genchetna leh hilchetna te leh kikuppinate aneipi zel hi. Mi laha kiphothop, ki sen khum leh ki housiet chipen athei khah vot lou uh ahi hi. Jesun, anuajuite kunga genchet ding leh hilchet ding, theisiemsah tei tei ding sil poimaw aup chiengun, mun sip leh thoveng ajotpi jel a, khum mun ah awldamtaha hilchetna leh theisiemsahna ana neipi jel ahi hi. “...**tualeh nuazuite toh amau ngen a aum chieng un, nuazuite kungah sil zousie ahilchien zel hi**” (Mak 4:34). Tambanga anuazuite toh kithuoh khawmna hun lemtang azah khawmna dingun, galkhat langa ava galkai ua, khum muna sep le bawl ding poimaw tuom tuom aneite uh ava bawl jel jel mong uh ahi hi.

Tuachin, Jesu leh anuajuite, galkhat lang ahing galkai ta ua, igensa ma bangin, asunga dawigilou lut (dawi nin paai) pasal khat in ana lamdawn pai lien hi. Tami dawi gilou lutna mipa thu gennai sih vai in, **GINGTUTE LEH DAWI GILOUTE** kikal thu tamlou genzaw vai.

1. Gingtute sunga Pasian Hagau Siengthou ateen ziehin, Pasian gingta tahtah mite sungah dawigiloute lut theilou hi chi in i Laisiangthou in hing hil hi. Tahsa pumpi khat sungah Hagau Siengthou leh dawigiloute teengkhawm thei ngai mong mong lou hi. (2Kor.6:15-16). Ahivangin, Pasian Hagau Siengthou makai na zuilou Khristiante lungsim-lunggel leh ngaituona leh agamtatna jousie uh dawigiloute in athuneikhum jel uhi (Mat 16:23;2Kor 11:3,14).

2. Setan leh asepai honpite tunga, ei gingtute'n thuneina ineitheina dingun ahing thupieh kamchiem ana umsa a um hi. Ama uhte toh ikituoh khah na pou ah, Hagau Siengthou vangletna tungtawnin, Setan leh akai zatamte leh athuneina zousie uh isuhsietsah ding uh ahi. (Luk 4:14-19). Tambangin Khomiel thuneina a patsan isuohtha thei ding uhi.

Gospel Tangkou January-February 2022

3. Mak 3:27 sunga thutah na ah kiphual in thugentena kigente toh kijui in (Rom.12:1-2;Eph.6:14).
Setan ilangpanna a, hagau galdouna dinga poimaw thu thumte envai:

a) I pa Pasion deina banga Setan pen eite'n ilangpan ua, idou ding uh ahi (Luk 4:14-19).

b) Thumna leh Pasion kammal Laisiangthou sung thute mama pansan in Setan solna leh a hing ze-etna galvante suhsiet saha, Setan galphuol ibulu ua isim ding uh ahi (Luk 11:20-22).

c) Setan in athuneina khau guitoh ahenchip, ataalgah mite Jesu Khrist agintatna ziehua khelngaidamna leh Sianthousahna atan theina dingua iva hutdoh ding ahi hi (Luk 11:22;Nasep 26:18).

4. Tambanga Setan tunga guolzawna itan theina dingun, michin in, tam anuoia thu kigel banga ikalsuon ding uh ahi hi.

a) Aziehpén idoute uh tahsa leh sisan ahi sih a, vaihawmnate, thuneinate, tulai hun a tam leitung miel tunga vaihawmtute leh van mun a hagau gilou umte ahi jaw uhi (Eph.6:12). I doute koite ahiei chi theichien dingin Pasion kungah theitelna ngen vai.

b) Pasion adingin na hinna pekhia inlen, Ama dihna leh

c) Tam leitunga Setan thuneina leh vaihawmna khu abeimang ding leh achim mang ding ahidan thei jing in (Nasep 26:18; Eph.6:16; 1Thess.5:8). Tuabanah, melmapa Setan gal inan theina dingin gingtute'n, Pasion in ahing pieh galvan chikim nei ihidan ithei ua, izah ding uh ahi (2Kor.10:4-5)

d) Hagau Siengthou panpi na toh Pasion lenggam tanchin-hoi thugen koi koi in. Tam khu melmapa Setan gal inan theina umsun ahi. (Mat.4 :23; Lk.1:15-17; Nasep 1:8; 2:4; 8:12; Rom.1:16; Eph.6:15).

e) I Mangpa Jesu min khu vanglian in, silbawltheina tengteng neikim ahidan gingta in (Nasep 16:16-18), Pasion kamteng mama jangin (Eph.6:17), Hagau adim in um inlen thumzing in.(Nasep 6:4; Eph.6:18), ann ngawl pumin thungen in (Mat. 6:16).(An ngawl Thungetna pen akia chieng suo maivai).

Tami article simtute jousie atheisiem dingin athuneipa I Mangpan, Ama kunga um pilna leh theisiamna hing pechiet ta hen.

TUKUM 2022 SUNGA

I lungsim puch ding dan uh

By:- Founder Editor

Thupi nga in houlim vai:

Tukum tha chidamna hing musah ihinna uh iPasian phatin umta hen ! Ama vanga hingleh dam a um ihiman un kumlui a bangin Nuomthu Tulkhat genkum hisah vai:

1. Tu khu Hattuom khang (Church Age) ahi. Tuni tandongin ka pei lele nalam ah Pasion in nahpita a a guolzawl mi nempu kamu hi. Amahaw Mangpa'n a guolzawl na sanpen a Hattuom a theisiem a, a Hattuom a ki tulut a, a Hattuom hoina dinga phungvua mite ahiman un guolzawlin um uhi. A Hattuom theisiem a pan latuten tambang in mi veina uhi. Mi akituohpi pouma kungah tambang in dawng zel ua: a) Hundamna kitheichienna na nei nai? b). Shi hamuonna na kinei nai mah? c). Tung lamah gou hunchikhat na khawlkhin tai ma? d). Na sep sate na mansuo lou na ding in phattuom ngaitah in pan nala nai mah? e). Tam a tung a dohna lite ah 'Ingeh' ahisih leh 'Hithame' nachi thei leh abanah ... Manglukhu chingate lah ah khat mu din na kimuong ngam ei mah?

Tam Manglukhu chingate pen tu ileitung damsung a zong imu leh mulou ding kithei thei a kon khu ! Etsahna'n Sawltah Paulin 2 Tim.4:6-8 ah hichin achia, "*Aziehpen tu in kei khu sillat dingin mansan ka umta thuo hi, khun ka peimangna ding hun anaita hi. Kidouna hoi khu ka dou zouta, ka kitaidemna khu ka hinta, ginna khu ka kemptupa.*"

Tua kipat in kei din dihtatna Manglukhu koisa in a umta, khum khu Mangpa vaihawmpa dihtah in, khum ni chieng in keima eipe van in, khumin keima tangbou hilou in amabou ama hing kilahna ngainate zousie kungah zong pethuoi va", achi hi.

Tuazieh in, tukhang a Hattuom ngaina mi nahileh tam a tung a point te pansan in na belamte vah in, veng inlen, kemptup in. (John. 21:15-17).

Gospel Tangkou January-February 2022

II. A Thupi Nina ah : Tuhun khu Mangpa ah leh a thahat silbawl theina ah kisuhat hun ahi.(Eph.6:10f). Tam ithupi un ahagen ut deupen ahileh tuhun leh tu Khanga eite khu Pasion nasem dinga Khang nukhie bawl ihikhata ding uh achi nopna ahi. I Mangpa hingpei kiana ni ding lah nai hulhulta hi. Leitung umdan lah hoilam nawt lou in siet lam nawt sem sem tamai hi.

Hitaleh eiho gingtute tami vannuoi dan a um mielmuol ding ihi uh amah? Pasion in phalsih? Tuasangin na lungsim hagau uh atha in um zaw un, I Laisiengthou in chi hi. (Eph.4:21). Khristian gingtu khat in hutdam ahina san aleithe i a, vannuoi akipat a tuoma um dinga hatdoh ahidan leh, vannuoi itna toh kikhen zing apoimaw dan a theisiem chiengin a Hundampa lungdam sah van in a it in um zing van in, Ama jal zou in ahinkhuo pum in um zing thei hi.

Alelamah tulai gingtuten ipienthana san uh ithei khel zieh un Vannuoi toh kilem in, hagau mangthai ikim vel a umte gelkha nonlou in ilung muongta mai uhi! Tambang lungsim puo in iMangpa kipahsah lou hi. Hagau lungsim puo a Mangpa deilam isui chieng un, iHundampa

lungdam sese hi.

III. A thupi thumna ah, Eima Pasion ang mubanga kimu a, eima kithuzaw a, eima kingiem-khiehna in Pasion umpina kitang thei bep hi. Pasion pen vanah um in ei lei mihiemte ang en zing thuoi a; koi tohbang Ama sui a, theisiemte Atapa toh kimaituo dingin ahupnai lengzel hi. (John. 6:44, 65). Pa Pasion mi ahup sahleh koima Jesu kungah vahaw theilou uhi. Tana Pasion kainai a um a Jesu toh iki encounter tah chieng un hinkhuo danglam in, ahi ding bangtah Khristian hinkhuo ki hing thei panbep hi.

IV. A Thupi lina ah : Silhoi bawling a hutdam ihi: Silhoi bawl na vang a hutdam ihi sih : Tana silhoi bawl ichi khu gingtute i umna ding ua Pasion in ana guotsa ahi. (Eph.2:8-10). Gingtu hutdamna kithei chienten, zuou agenthei nonta sih ua; aguta thei nontasih ua, a du amthei nonsih ding ua, milim abe theinonta sih ding ua, angkawm leh huh leh kingai ashisan tading uhi. Zu zong adapdawn thei nonsih ding uhi. A ziehpen amahon tamte khu Kross ah akilbelup theina ding hamphatna deisahna, phalna thuneina (privileges) pieh in a umta thuoi uhi.(Gal. 5:24).

Gospel Tangkou January-February 2022

Gingtu pienthana Hagau zotheilou neiten ginna jalin Jesu guolzawna angam thei zing ua, azieh khu Jesu shina apuohnuom jing leng man un (2Kor.4:10) Jesu hina leh gim namtui zong amau ah theng lou in jahin a um jing hi.(2Kor. 2:14).

V. Pienthana Hagau : Tana pienthana Hagau khu zotheilou Hagau, amang theilou, ahivang ahasethei, anuothei leh alunggimthei hagau banah apoimaw leh mi thatlum thei Hagau zong ahi. Abailam pena mutheina ah Anania leh Saphirate nupa a thatlum mawh hi. (Nasepte 5:5,10). A zauhuoi mama Hagau ahivangin a nunnem nalam ah mi hamuon

leh mi thuohhatna pepa zong hi.(Rom.15:4). Hebrai laihah gielpa, I Pasian uh pen mi kangmang thei meikuong ahi. chi va ia hi!. (Heb.12:29). Tami Pientha Hagau hoitah a neiten hun hahsa bangchi bang ah um nanleh uh zong a pienthana hagau un amau thuoh hatna leh hamuonna pezel ahiman in, ama un guolzou zaw leng uhi.(Rom 8:37) Tuaziehin tami pienthana Hagau lungdamsah sawmchiet vai in, isapum ama thu thu a um dingin pephal zovai in, tua hileh "Ama lungmuonna leh lungsietna in bang chilai pou in hing taisan ngailou ding hi. Mangpan simtute guolzawl taken.

GINNA KHU SILBAWLTHEI AHI

~ Rev. S Nengkhanmang

Min ginna kanei hi chi henlen nasep nei sihleh bang aphatuom diei? tuabang ginna in ama a hundam thei diei? Jakob.5:14.

Jesun damlou a suhdam chieng in na ginna in ahing suhdam ahi, achi jel hi, nikhat Jesu Kapernaum khuo ahing lut kia chi aki thanga thakhat in mipi ahing peikhawm uhi. Innsung kotpi phung dongin dinna ding jong umlou in mi a dim hi, tualeh mijeng khat alupna pumin ahing jawng uhi, mipi atam jiehin Jesu kung atut theisih uhi, tuachin a upna intung aphet vang ua Jesu maizawn taha a lupna pumin akhai khesuh ta uhi, Jesun amu tahin tapa na khelna ngaidam ahita. (Mark.2:1-5) achi hi.

Gospel Tangkou January-February 2022

Jesun jengpa kungah na khelna ngaidam ahita achi in a kunga um Pharisaite leh laigel miten Pasion gensie tam mipa khu koi ahiei? Pasion loungal koi e khelna ngaidam thei achi uhi. Jesun a khelna jieha jeng achi ahi siha, eden khelna jieha jeng leh natna chinteng hing pieng ahi dan kawh agen ahi a, tuate ngaidam leh sudam dinga hingppei ahidan te tahlatna dinga agen ahi, hinanleh ale lam tahin a lunggel uh chi Jesun athei a na khelna ngaidam ahita chi leh nanet pha la inlen peitan nakeng in peitan chi kojaw agen bai zaw ei achi hi, tualeh mihing tapan leitunga khelna ngaidam theina anei ahi chi atheina ding un zengpa kungah, thou inlen nalupna la inlen na keng in peitan kahing chi nahi, achi hi, tuachin amapa adinga, alupna ala a kengin apeita hi

1. Nakhelna ngaidam ahita chile
2. Nalupna la inlen nakeng in peitan

cikhu azengpa adinga damna tuoh tuoh ahi, Jesun nakhelna ngaidamahita achikhu azengpa beh genna ahisia mizousia ading amipizah a agen ahi, agentup pen khu Eden khelna khu ngaidam ahita!

tuazieh in damloute adam ta ua, misite zong ahingkiata uh chi tah tah sulang ut a agen ahi.

Leitung mihingte zong sielpi leh salam lieu dinga khelna bawl te zong alunggim mama uhi, hinanleh ngaidam ahi tah chiengun akipah ua, alungnuam mama uhi, tuabanga lung gimna gih tah thuoh a zengpa kungah katapa lungmuangtah in um in na khelna ngaidam ahi ta!, chithu ajah khu bangzatah in kipah na leh lungnop na ahi tai? tam bang lawm a thuhoi leh silmanpha hingpieng khu lungthahna ding bangma umlou hi, hinanleh pil leh siem kisa te alungthah ua, Pasien gensiechin asiet puh uhi.

Pharisaite khu akiliensah ua, akingaisang ua, thuneina zousie vaihawmna zousie leh silbangkim ah amauh kidong ding leh a thu thu ua mi zousie peiding in akiging ta ua, Jesun lah ana dong khawl sih a, silhoi abawl chiengin koi thu a tamsil te na bawl a hiei?, achi uhi, Jesu sil bawl bang in lah abawl thei sih ua, Jesun abawl chieng in athangpai ua, lungthah na ding asui uhi.

Bethsaida dila kum 38 damlou phalsipa Jesun asudam

Gospel Tangkou January-February 2022

ni in zong nakhelna ngaidam ahi ta achisih a, nanetpha la inlen nakeng in peitan achi ahi, a lungthah thouthou uhi. khawlni a nalupna nalah asiengsih achi veve uhi, alupna lalou in nuasie pouma leh alungthah na ding dan uh nang phiengsan in maw nalupna nataisan viel?, koi hep tup dinga mina ngansie koi a hiei? achi ding ua thuaguallou in khuai hang abang ding uhi.

Jesu khu Pasien tapa achi utsih ua, Gualnei khat in zong apom utsih uhi Gualnei nahih leh Gualnei lah a koipen a ki bawl na hiei? achi mai uhi, asil mah bawl te lah thupi asa ua, kidang zong asa uhi hinanleh hoi asa ut sih uhi, a zieh pen ama uah hoina malmal aum sih hi, hoina thute, itna thute dan a zui ding in abawl ua, mite ajilsah uhi ama unlah azuisih ua miten azuilou chieng unlah dankal, danbotsie achi ua, atungthu alel jel uhi. Tuakhu anehsui na uh leh ahinkhuo uh ahia ineh suina hing suse khava achi ua Jesu adou uhi.

Jesun damlou lungsiet umkhat khelna angaidam a asuhdam leh abang uh na a diei?, alungthah kawi uhi! Tuabang a lungthah thei mite khu asunglam uh zeng ahi.

mizengte apieh theilou bang a ama uhzong lungtang zeng thuhoi geltheilou, silhoilam a lungphu pieh theilou, lungtang zeng ahi uhi.

I tangtel khu min ginna kanei chi henlen nasep neisih leh bang aphatuam diei?, tuabang ginna in ama ahundam thei diei?, chi ahi Jacob in in tam bang in nagen hi. Ginna thungetna in chinakhu adamsah dinga, khelna abawl taleh zong ngaidam ahi ding achi hi. (Jacob 5: 15)

Mizengpa pen pieh theilou thoutheilou ahi hinanleh Jesu agingta chi thei hi, a gintatna khu nasep in a ensah theisih hi, hinanleh mizengpa gintat khu lupna zawng mi pasal li ten zong agingta ua, alupna pum in ahing zawngta uhi tualeh lupna zawng dingten gingta nanleh uh a zengpan gingta sihleh azawng ten atunsih ding uhi. zengpa gintat bang in lupna zawngten zong agingta ua, gintatna khu gintatna dang in anghop chieng in hingpiching in ahing hatta a, alupna pumin ahing zawng ta uhi, tuakhu ginna nasep a hi, hinanleh mipizieh in Jesu kung ah atat theisih uhi, atat theilou hang un aginna uh abei tuamsih hi, aginna uhkhu Jesu gin umna

Gospel Tangkou January-February 2022

toh akijop mat tah zieh in zong alungthah sih uhi. Tamkhu
alungke sih ua a upna inntung ahi khantanhoi thukipahum
aphetvang ua, Jesu mai tah ah mama michin dingin ka hing
akhaikhesuh ta uhi, gin na a puah uhi chia vantung miten
anasep uh Jesun amu in ana Belam pute kunga zankhanglai
sudam ta hi. a ahing gen uhkhu ana hijing

Khumin zeng damp a peh hi. Gingta in, nagin tat zieh
akipah a, lupna zawngte zong in thu na ngen ding a, ginna a
akipah ua, mittang amu zousie na thunget in ahing sudam dinga
zong akipah ua, inntung neite nakhelhna zong ngaidam ahi
ding hi.

Gingtu hunkhuo a
PICHINNA

By: Nu Neiching

La phuhtu in....

Jesu nei khu vannei toh kikhenna a chi bangin, vannei a om
hingal a, vannei toh kikhen pen sil nop leh sil bailam hilou hi.

Jesun Peter kung a athu gen.... (John 21:18)

Chitahzetin ka hing hil ahi, na naupan lai in na kawng
nangman naki gah a, na utna lamlam ah navah koi hi; hinganleh na
hing upat chiengin, na khut najah dinga, midangten na kawng ahing
gah pieh dinga, na utlou na lamlam ah ahing kai ding uhi a chi
bang in.

Hagau a i naupan lai....

- # Pasion silbawltheina jieh liulieu a tuipi san gal a kipah a
ilamlai hunte....
- # Van apat Vamin leh Mana athon a neh lai hunte
- # Mosi i ut dandan a phunsan thei lai hunte....
- # Suangpi apat tui pieh a omlai hunte....
- # Jericho kulpi ganvan janglou a, a chiplai hunte...
- # Pasion in i nget nget ang pieh lai nite in....

Gospel Tangkou January-February 2022

Pasian neikhah khu lawhna leh punna, kipahna leh thanopna hun ahia, hagau a naupang nawitui a iki vah hun ahi.

Tuami hunte I galkai jou chiengin..... Pasian in Ama ading a ei ang jah ut huntah chiengin.... Midangten i kawng agah ta a, i utlouna lamlam a kai a i om ahing ngaita a, ei kipahna ding hinonlou, midangte kipahna ding sui ahing ngaita hi.

Eima nopsahna ding hinonlou in, midangte nopsahna ding khual ahing ngaita a....

Eima hoina ding hinonlou, midangte hoina ding bawl ahing ngaita a, Abraham bang a, i deipen leh I itpen pekhie dinga, Moriah tang lam juan a pei ahing ngaita hi.

Mosi bang a, Mipite phunnawina jieh a I hamkhiel hunte bang ang om ta a..... Israel te bangin, Cannan lut ta hinapia, Pasian danthute palsietna jieh a, I melma pan sal a hing pui mang jeljel in.....

Babilon lui geite a tou a, Zion ngaituo a kaa hunte ang tung ta a, sal a hing manten Zion laa sadin ang phut ngal ua.... Pasian tapa ahileh ama leh ama ki hunkhie leh aveleh, chi a enghou tuten lah gen ding atam

thei mama ngal ua..... I hasatnate I Pa kung a tut in i thum ngutngut a, Aman lah

Na melmate it in, ahing bawl sete thumpiehin, tuachin napa uh van a om tate nahithei ding uhi. chi ahita. (Mat 5:44&45)

Tahsa lung gel hing hat jelin, ang bawl gentheite iva thuh khah chiengin, Ipa dan i palsiet ding hing ngah jingpa, i melmapan gualjou kisa in thu ang nei pai jel a, kintah a, i bawsietna munte valeptuoh ahing ngaita a, neuna leh kunna toh vaki lep masah lou inlah i Pa ana lungdam non sih hi.

Tambang hunte ang tun chiengin, Psalm geltu thugente dih anahi na lawmlawm e... (Psalm 77:2-6.)

Ka lungkham ni chiengin, Mangpa kasui a, ka hinna in hamuangtah a om adei sih hi.

Pasian ka thei jinga, ka buaita a, ka lungkimsih a, ka hagau abata hi.

Nidanglai hunte ka ngaituo a, zanlai a kalasahte ka geldawh hi.

Zanlai in ka lungsim toh kaki houlim a, ka hagau in phatuam ngaitah in akan sui jel hi.

Hagau nawitui a gilva lai nite bang nonlou in, Ann gum tahtah, neh ahing ngaita a, val hahsa nanleh val teitei ahing ngaita a, Ann duna jong hing kiem hiel ta veh awh.....

A tawptan a ginomte leh dan dungjui a taite chouh in, kipahman sang ding chi lah ahi ngal a,

Kap pumpum in, koima mutheilou Cross gihtah mai paw kawmkawm a,

I hundamna kipahna nite ngai vungvung a om hun te ang tun chiengin.....

I Mangpa Jesu kenghap kijui khapanpan ta china ahi.

Q. Nang hei mun tan ah na jui tai?

Q. Tuipi san gal a lamden nalai namah?

Q. Galdou ngaplou a kilep mang namah?

Q. Cannan lutta napia, melmaten ang pui mang kia nata amah?

Q. A Cross ginomtah a po komkom a, Mangpa thupieh bang a pei nahi nai?

I have decided to follow Jesus, no turning back.... chin in awleh.

Mangpan Ama adia mi piching, melma dou a, galjoutu hidingin hing poimo jing uhi.

KJV Bible Translation Update

* I Bible ikinei sahpi uh Kum 12 vingveng luta kilet pen 2018 in zaw in a um hi. Typing Kum 3 sung alut a, Kum 2 sung Review nah alut hi. Tu in October, 2019 in Project a pomlutna ingahta uhi. Tuana pat in June, 2020 in **Trinitarian Bible Society** (TBS), London ten a General Committee uah sutpieh dinga phalna eipieta uhi. Pasion phatin um hen!

Tu'n a Correction pen Desk Top a suhdih kawmkawm in etkaina - Review - Revise 2vei neizaw ahita hi. Tam Online Correction apei jel hi.

Tambah TBS Consultant Pu Philip Hopkins toh 12vei vel Skype Talk akinei a, maban type-setting nailamta hi. I mai uh February 1, 2022 ah kihoukia va ung. Pasion phatsah ahileh copy Tulsom (10,000) hing sutpieh va un; Tualah ah copy sangkhat pen Leather Savun tuom hivan, Copy dang sangkuo pen paper bound mantom hideu hi ding hi.

Ajua ding danpen Savunte copy khat ah Rs.600 hivan, Paper Soft bound te copy khat ah Rs. 250 ahi ding hi. A leiding a Market lam ette ahileh i Zou sunga Protestant Pawl Thum umteng ahi. MELC, ZPCS, ZCBC chite ahi uhi.

Gospel Tangkou January-February 2022

Tukum 2022 sunga Type- Setting zaw leh Print and Publish Zosieng lamet ahiman in michin in ithumna uah phawh jel vai.

* Tambanah, Glossary-Zokam leh English kizangkha tangpi teng a Bu in kisuo van in : Tampen tutung Laisiengthou Project a eikithuopi teng Copy khat chiet pieh hiva uh. Tami Project a sum-le-paai, tha leh zung ban ah thungetna a hingna panpi zousie Mangpa Pasion in guolzawlina hoitah dingpe chietta hen.

Rev. Haozalian, Chief Translator

Khangpidaw 2022

REPORT TOMKIM leh KIPAHTHU GENNA

Pasion mapui natoh Khangpidaw lochingtah a zatzaw ahita zieh in Thupina zousie Mangpa Pasion ipieh hi.

MELC huang sunga apat khuo 29 apat mi 659 apat Registration kibawl in mi 1000 val kikhawm hi. Registration bawllou tampi um chi na ahi. Upa Nengkhenthang, Moderator MELC in Khangpidaw 2022 honna leh Vaiguon te Pasion masang ah latna nei in Pu P. Khamminlun, Chairman LYF GHQ in Khangpidaw mangte Vaidawanna a bawl hi. Youth Promotor leh Missionary te apat Report ngaikhiet in aum a, LYF Singngat apat Pasion phatna Lapawl ngaikhiet ahia, Pastor T. Lamgen, Biel Pastor, Singngat Division in tunkim nitah in Pasion thu genna anei hi.

January 21, 2022 zingmawng in Upa Hauminthang, Missionary Promotor in zingmawng kilatna pui in Bible Study anei hi. Zingkal ann nehzou apat Pasal te Football leh Numeite Volleyball ki apmaina kinei a, Pasal Football ah Behiang Division apat LYF Behiang in khatna leh Singngat

Division apat LYF Zabellei ten nihna la uhi. Numei Volleyball ah Lamka Division pat LYF Twaitengphai in khatna leh Behiang Division apat LYF Behiang ten nihna ala uhi. Pu Haukholian Munluo, Chief of Singngat thakhel in atapa Pa M. Hauchinkhup in kimawlina nuamman te hawmna anei hi.

Gospel Tangkou January-February 2022

Nitah in Mimal Laisieng-thou kigen demna leh Bible Action kidemna jong um in, Bible Action kidemna ah LYF Sehken ten khatna la in, LYF Immanuel Khopi in nihna ala uhi. Mimal Laisiengthou kidemna ah Nh. Annie Niangneiching in Khatna la in, Nh. Chinghoikim in nihna, banah Nh. Kimbuang in thumna ala hi. PYF (PCI-R) te apat phatna lapawl ngaikhiet ahia, Rev. Kamminthang Tungnung, Divisional Superintendent, Sangaikot Division apat in Pasion thu ngaikhiet ahi.

January 22, 2022 Zingmawng in Pro Pastor Johnlal, Biel Pastor, Singngat Division apat Bible Study um in zingkal Ann neh jou in Vaihawmna nei ahi. Vaihawmna hun in Budget etkhawmna leh kumkhat sunga nasep ding te genkhawmna nei ahi. MELC Assembly in Budget dinga Lakh Nga ahing bawlsah uh pomna jong nei ahi. Vaihawmna zou in Rev. Nengkhanlal Milun, Director of Ministries i/c Youth khu Election Commissioner hina toh 2022-2024 sung a Lamkai ding telna nei ahi.

Nitah in BYF (EBCC) te apat Pasion phatna Lapawl ngainuam huaitah ngaikhiet ahia, Rev. Kamminthang Taitom, Director of Mission in

Pasion thu genna anei hi. Lapawl kidemna Light Choir leh Heavy Choir a khen in nei ahia, Heavy Choir ah LYF Zoumunnuam ten khatna leh LYF Moreh ten nihna ala uhi. Light Choir ah LYF Sangaikot ten khatna la in LYF Sehken ten nihna ala uhi. Kidemna a pang teng kipahpi man jong pieh in um hi.

January 23, 2022 zingmawng in Pro Pastor M. Hausawmlal, Biel Pastor, Sangaikot Division in Bible Study anei hi. Suun Biehpiehna hun ah Rt. Rev. Dr. SK Manlun, Bishop MELC in Pasion thu genna anei hi. Rev. Thangliankham, Local Pastor, Zoumunnuam MELC in Sunday School Text Book, Junior a kibawl tha honna anei a, zahthei ding in Local chin a hawmkhiet pai ahi.

Nitah in General Secretary apat Report ngaikhiet ahia, Division tuomtuom apat Report kaikhawm te banah LYF GHQ in kumkhat sunga sep-le-bawl anei te report abawl hi. Rev. Ngilzakhup, Divisional Superintendent, Lamka Division in 2022-2024 sunga Lamkai dia teltha te adingin Thumsahna anei hi. Rev. Nengkhanlal Milun, Director of Ministries i/c Youth apat Pasion thu ngaikhiet in aum hi.

Gospel Tangkou January-February 2022

Kidemna tuomtuom a nuomman te Singngat Hausapu thakhel in aloinu Pi Niangsangching leh atapa Pa M. Hauchinkhup ten piekhietna anei uhi.

Kikhopna teng ah Worship Team ten siamtah leh zeitah, Pasion phat kawm in kikhopna apui zing uhi. A tawp nitah in LYF Singngat Division saina toh Coffee Night nitah dah 9 in kipan a tuami hun in Lasa siam tuomtuom ten Pasion phatna laa sa uhi.

Upa S Zamzalam, Deputy Moderator, MELC in Khangpidaw um kia matan a ding in Khangpidaw khahna anei hi.

2022-2024 LAMKAI DINGTE

1. **Chairman:**
~ Upa S. Zamkhanpau
2. **Vice Chairman:**
~ Upa T. Pumminlal
3. **General Secretary:**
~ Pa Francis Neilian Samte
4. **Joint Secretary:**
~ Tv. Khamkhanmung
@ KK Manlun
5. **Finance cum Treasurer:**
~ Upa Tutzamung,
MELC Cashier

Departmental Secretaries:

- 1) **Moral & Religion:**
Evan Ginminlun Tawtah
- 2) **Music Secretary:**
Tv. Khupsianlian
- 3) **Talent Secretary:**
Nh. Niangzarzou

- 4) **Industry Secretary:**
NH.Manneikim@Kimbuang
- 5) **Education Secretary:**
Tv. M. Hauminthang
- 6) **Information:**
Tv. Khamsuanpau
- 7) **Ex-Officio Member:**
Pa P. Khamminlun

K I P A H T H U G E N N A

Pasion mapui natoh Khangpidaw 2022 loching tah a zangzou thei a I um zieh un ilung uh adam a Thupi na Mangpa ipieh hi.

LYF Singngat Division in Khangpidaw 2022 zintun theiding a phalna hing pieh LYF GHQ te tungah I lungdam ua, ama uh phalna jieh a Khangpidaw vaitun thei ihi jieh in LYF GHQ te tungah kipahtu igen hi. Tualeh aum na ding Singngat MELC ten zong Division LYF ngetna niallou a I nget bang ua ahing phalpieh jieh un ama uh tunga zong kipahtu igen hi. Khangpidaw koi nading mun a kigen Singngat hausapu Pu M. Haukholien in jong kiphah tah a I ngenna ahing pompieh banah Singngat khosung eima deidei na mun a zahthei dia phalna ahing pieh zieh in Singngat Hauapu kunga jong kipahtu igen hi. Tualeh a zahna ding mun lemtang ki en

Gospel Tangkou January-February 2022

kawikawi a, I etna mun leh I genna zousie in jong kiphaltah a Khangpidaw zahthei ding ahi chia ahing gen zieh un amaute tungah I lung uh adam a kipahtu igen ahi.

LYF GHQ in January 11, 2022 nia Khangpidaw zahthei ding ahi chia ahing gen apat van poimaw dingte ki kaikhawm in, January 12, 2022 in Hall bawl kipan pei hi. Khangpidaw ading a nasep kipat tahtah apat ahun tun tan, ni 8 sunga Hall hubang a thupi leh Khangpidaw zangdia hing kuonte giehbuh ding leh apoimaw tampi bawl zou a aum khu I biehung Pasian mapui na ahi ichi lou theisia Thupina zousie ama ipe kiakia ahi. Hun ki bichil kawmkal, hun ki tam neilou sunga Khangpidaw Hall bawl ding a Local chin LYF te kunga ngetna/chielna kibawl pen hing ngai poimaw a Division sunga Local chin apat hing kalsuan ka LYF pi te, noute vang a division ki mualphou lou ahi chi aki thei a, Hall, giehna ding leh apoimaw bangkim ahuntah a bawl jou aum ahi chi ithei a, Division in Local chin a LYF te kahing ki letsah pi ua, na tung ua lungdam mama ua kipahtu kahing gen uhi. Tuhun a I pangkhawm nate uh hasuo lou a, mailam hun a zong

pangkhawm, semkhawm, nehkhawm ding in Division min in iki ngen in iki chiel hi. Hall bawl ding kichi apat amun a gieh den zen a hing kalsuan LYF te teng tungah kipahtu alian mama a, ki lungdam vangut ahi chi nahing theipi ding un kahing ngen hi. Tualeh Hall bawl hing kithuopi Singngat a nu-le-pa zousie tungah kipahtu igen hi. Noute vang a na taten un kilungmuong ahi chi ithei a, noute tungah ka lung uh adam mama hi.

Hall sunga Stage/dohsang a jah ding lungbuai tah a ki mu lai a, kiphaltah a Stage a beiding teng hing zangsa Building Committee, Sumchinum MELC te tungah ka lung uh adam a kipahtu kahing gen hi. Tualeh Sumchinum apat Singngat tan apuoh nading kibuai lai a, kiphaltah a Shaktiman hing zangsa Sumchinum a um Pu Romen tungah kipahtu alian a, lungdam thu igen hi.

Hall leh Giehbuh bawl na dinga I nget banga van hing khelsah LYF GHQ, 46 AR Khuga Bn., LYF Lamka Division te tungah kipahtu igen hi. Noute vanga Hall ki bawljou ahi chi ithei zieh in noute tungah ka kipahtu mama

uhi. Hall tunga ding Tarpuline buaitah a ki um laitah a Sumchinvum, Singngat leh Lamka apat kiphaltah a Tarpuline hing jang sah tengteng tungah kipahtu igen hi. Tualeh Hall bawl nading a vanzah sing-atna, tudal, tem/tempong, jomphol, tuphul, belta/suadul, apoimaw bang a hing zangсах tengteng tungah kipahtu igen hi. Ground a loupe/hampa te vat nadinga hampa vatna hing zangсах Dr. Steve, MO CHC Singngat tungah kipahtu igen hi.

Mopuohna kipieh dungzui a Registration feltah a hing bawlsah Registration adia ki guot teng tungah kipahtu igen hi. Usher ten jong mopuohna kipieh banga amopuohna uh feltah a ahing bawlsah zieh un Usher te tunga zong kipahtu igen hi. Canteen a dia kiguot dungzui a imut khamlou zen a feltah a hing Canteen hing buaipi tengteng tungah zong kipahtu igen hi. Canteen adia guot, a kiguotna banga panglou a Canteen adia kibawl Uniform la teng tungah zong Uniform na lahchiet zieh un noute tungah zong kipahtu kahing gen uhi.

Canteen a zahding Um-le-beel apoimaw bangbang a hing

zangсах Singngat MELC leh ELWA Singngat te tungah kipahtu igen hi. Information Center a zahding Sound System hing zangсах Singngat MELC tungah kipahtu igen hi. Canteen a zahding tui a poimaw bangbang hing supply Pa Suokhokam te tungah kipahtu igen hi. Vaiguon kizah sunga apoimaw bang Ann tuitahtah a hing huansah Nu Niangkhoahau leh Nu Vungneiching te tungah kipahtu igen hi

Tualeh, Hall bawl dinga ki gieh a pat Khangpidaw beizoutan, OB te leh Hall bawl dia gieh den te hing zintun, neh-le-tah hing ngaituo sah, apoimaw bangbang a vahzah hing zangсах, Ta banga hing na enkol Pa Thangkhankhai Samte te innkuon tungah ka kipahna uh alian mama a, kipahtu kahing gen uhi. Mangpa'n na innkuon un sum-le-pah, innten ah hing guolzawl taken chi ka thumna uh hita hen.

A poimaw dan a zahthei dia dia Gari mansa hing koisah gige Chairmanpu Pa Thanglunlal Samte leh Pro Pastor Johnlal, banah Gari neu hing toi teng tungah zong kipahtu igen hi.

A poimaw leh Usher, Canteen, Registration, taisuh-taitou, sawl kawi lele a kizang Pro Pastor Johnlal tungah kipahna lian mama a, Hall bawl apat nahing giehpi den a imut khamlou zen leh apoimaw banga vai hing hawm pieh, doh thei a na um zieh in Division LYF te na tungah ka lung uh adam mama a kipathu kahing gen uhi.

Gen dinga kilawm, genkhahlou tampi aum ngei dinga, tuate zousie hing hing

theisiam a noute tungah zong LYF Singngat Division ka kipah mama uh ahi chi hing na theipi a kipathu kahing gen bang ua hing pomsah ding in kahing ngen uhi.

Kipah ing.

LYF Singngat
Division sih-le-tangin

Sd/-

Francis Neilian Samte
Secretary, LYF Singngat Div.

~~~oio~~~



## **MLA ELECTION NI LEH CHRISTIANTE**

Ahing tung ding 12th Manipur election hun ding Election Commission apat notification hingsuo in, phase ni ah kikhen in singtanggam christiante tamna constituency Pasianni dinga ahing bawl jiehun Christiante Pasion biehni toh kituoh chin i buoipi mama ua All Manipur Christian Organisationte (AMCO) panlahna Hill district teng ah Organisation tengin thuop in Solkal silbawl demna nei in AMCO in Election Commission kunga election ni suon ding in memorandum piehin a buai mama uhi, tutan in ECI apat bangma dawnna a umlou jiehin Court tan a tuttou ding in pan ala lai un ka lungsima hing umkhat ahileh bangjieha Christian ten Election ni ding Pasianni ahi, i hichi buoipi uh adiei!?

AMCO te panlahna dem leh support lou kahi siha, a panlahna uh ahing lawching ding zong ka deisah hi, India pen Secular Democratic Republic ahijiehin mimal chin in eima deibang Biehna zuithei na leh zatatsah ihi ding khu i satan (Right) ahi. Koima Biehna simmaw leh nelsie sah ding pen India Danbu in phallou ahi jiehin in eima dihna muhna ding in panlah theidan a lah ding ma ahi. I satan (Right) muhna dinga sualding pen i mohpuohna ahia, hinanleh muh teitei ding chipen koima in gentheilou ahi. Tuajieh in ei gingtute ading ah ngaituo ding ah hoi kasah khat ahileh AMCO te panlahna lawsam tahleh bangchi pan lah ding chi i ngaituo kha ding uai chi poimaw mama hi, India Phuolpi solkal pen BJP vaihawmna ahi apat Christiante soisahna leh engbawl na hing hata thei ahi jiehin tua election hun ding zong BJP solkal ngawbawl pawl i um uhi, BJP In election ni ding Sunday ahisah

hidinga gin-mawna inei pumpum un ei Christian Candidate te BJP Ticket muleng ching ding kahi chi dandauh in BJP ticket kituh in a maipha uh sui in i dieng lehleh ua, ihindan uh kilehbul (Ultra pulita) hilou ama? Bang ding a Election ni Pasianni ahikhah jieha lungkimloute'n BJP ticket i hichi dei uh adiei!? A nasep te deilou a ticket lah deizel, BJP ticket muhte ching teitei ding a diei!? BJP government idem ua, hinanleh i Sanggam, i behpa ahilouleh i deisah candidate khatin ticket ahing muh leh shingam in igum ua, innsah innhang leh midang toh kisiata kibal ding zong khoh isa zel sih uhi, hina kichien neilou ihi uhi, candidate sawmte zong voter te bang, BJP ticket kinem in, ahun ah a tang khalou leh nikhat zong pei manlou ah ama gumteng toh taisan in in, miteng theidinga media te a ki phoulang zel, Party mi nahi leh party ticket tanglou jieha nuahsan ding ama!?

## *Gospel Tangkou January-February 2022*

Ka gen utpen ahileh AMCO ten ani suansah dinga a ngetna uh lawsam tah leh ka Pasiann biehni ahi jiehin ka vote khesih vang ichi ngam ding uai! Ani suansah dinga a i sual ngam leh, ei dei banga, ani ahing suansah lou ule zong Pasiann ni ahi jiehin vote khelou a i um ngam ding uh hilou ama?! A ni heng dinga suol ngam ihi leh i deibang ahing hilou lehzong a toptan i pang ngam ding uh ahi. I umdan uh pen Solkal kung ah ani suon dinga i ngetna uh lawching sih leh bangma genlou ah Pasianni ah Vote khe dia ki kuon veve ding dan ihi uhi, Pasianni hisah lou dinga i nget ngal uleh, Pasianni nahisah teitei uleh Christian teng in Vote ka khesih ding uhi chia i din ngam ding uh ahi. i lungput uhpen a toptan tung ngamlou ngen ihi uhi, i ngetna ahing pomlou ua vote i khiet veve dinhg leh nget zong ngetlou ding ahi. Kei ngaidan hing gen len mi tampi in nahing mawsah ding uhi, hinanleh zong

hing gen vang, Christian ikichi ua, hinanleh i hina i dinpi ngamsih uhi, Tuhuna Pasianni Vote khietni ding solkal in ahi sah na isah uzong hoitah in ki ngaituo lei election buoipi leh election ah i lunglut seng jieh uh ahi, gamkhat a Khuo leh tui (Citizenship) nei ihi leh Solkal thupiehte zui ding ahi a, Solkal thupieh in I ginna leh i biehna ahing sukhah leh solkal kunga ngetna leh bawl thei teng ibawl zounua ua i lawching sih leh, tellou lel ding ahi. Manipur Christiane ihi uleh Election a lunglut mama ihi ua, i lunglut na uhpen gamsung vaihawm peihoina ding hilou, i sanggam, i behpa etc MLA/MDC kaina ding a lunglut lellel ihi uh, Election Hun Pasianni ahilou na ding in i bawlthei teng ibawl zou chieng in, lawching sih lei bang chiding? **“VOTE KHELOU DING KA PASIANN BIEHNI AHI JIEH IN”** ichi ngam ding uai! ki ngaituo va ui.

~~~oio~~~

Zogam a Tangthupha hing tung masang leh atung zou a Zomite' nuntakna.

By: Rev. Chin Lamthang Buansing

Phatna Laa 107:10 - “Pawlkhate miallak leh sihna liimnuai ah tu uh a, thuakgimna leh sik-khainiang a hen in a om uhi.”

Zomite-Suangtu-bul Pi-le-Pute' Nuntakna:

Nidanglai a Zomi te' suangtubul pi-le-pute' nuntakna leh khawsakna toh kisai in apiltuam, ahautuam, leh aliantuam chihbang omlou in amaute, dial-dial leh diam-diam a tengkhawm in nakhawsa khawm liai liai uh kichi hi.

Tulai Hun a Khangthak Zomite' Nuntakna:

Tulai khangthak hun in, pilna-siamna, neih-le-lam, thunei-zou zaw ding, leh vaihawm zou zaw ding kidemna leh kituhna lian mahmah ahimanin, Zomi khangthakte in dialdial, leh diam diam a omkhawm ding haksa kisa mahmah hi a theih in om hi. Tangthupha leh Khrist in athuzoh ding nuntakna ineih uh kizam mahmah hi.

Zomite' Nuntakna ah Pasion in Thuneihna a Neihkul hi:

Mihingte hong bawlpas Pasion hi a, eite tungah thuneihna leh vaihawmna sangpen anei amah kia ahi. A itna leh hotkhiatna thei a asang khinta mite in amaute' nuntakna sungah alian pen leh thu nei pen hi gige dingin Toupa Pasion akoih tawntung uh kizam mahmah hi.

Gingtute nuntakna ah, Toupa Jesu Khrist in thuneihna sangpen leh lianpen aneih teitei ding ahi. Pianthakna tan kia hunlou in, hunteng a eite' pumpi leh lungsim a thunei lianpen hidingin Toupa Jesu Khrist mun l piak gige ding uh ahi.

Mi kuapeuh in, a nuntakna ah Jesu Khrist alianpen a aneih ngeingei leh, kingaihniamna bang, itna bang, ngaihdamna bang, deihsakna bang, kipumkhatna bang, leh midangte toh

kihouthaihna te anei teitei hi. Nang lah bang na chi a?

Tangthupha Hongtunma a Zomite' Pasion Theihdan:

Pi leh Pu ten, Pasion in mihingte bawlpas leh na khempeuh bawlpas khat om a, tua vanglian Pasion in nakhempeuh ama' thuthu in omsak ahi chih upna leh ginna anei uhi. Ahihhangin, tua Pasion in mihingte nusia in paisan a, dawi leh kau te thunuai ah omsak hi chi in upna anei uhi. Mihing ten dawi te leh kau te, alungkim sakna dingun kithoih-na bawlpas uh a, aneih khempeuh uh bei zou liang ahimanin gentheih loh in zawnlou zou mah mah uh kichi hi.

Tuhun a Zomite' Pasion Theihdan:

Pasion in leitung mite hong itlua ahimanin Immanuel-eite toh omkhawm dingin a tapa neihsun Jesu Khrist hongpia hi. Tuabang ahimanin, tu Khristian biakna hun ah mikhempeuh in Toupa Pasion ah lungnopna leh khamuanna kineita ahimanin, nektak zonna zong nuamzawta in khawsakna zong nuam mahmah ta hi. Pasion pen lauhna kia toh kibia hilou in, itna, zahtakna, leh ngaihna toh biakna leh phatna kipia hizaw hi.

Tangthupha Hongtunma a Zomite' Lauh-leh-Kihtaak te:

Nidanglai in pi leh pu ten, Inn-dawi, Gam-dawi, Gampi-

Gospel Tangkou January-February 2022

dawi, Pusa, leh Dawi-gilou dangdangte lau in, kihta thei mahmah uhi. Dawiten Zomi pi-pute' tungah thu-nei in, natna, gimna, leh lung khamna tampitak tungsak gige uhi. Tuakia hilou in, amaute' neihsa huangvulh gantate leh neih-le-lamte, nek beisak nading ngaihsut in anei uhi. Huangvulh gantate zang a kithoihna bawla, a maipha uh zong ding leh lungkimsak dingin dawiten, amaute' kiangah thupiak na pia uhi. Tua bangin, dawite in Zomite' tungah nakpitakin bawlsiatna leh thuakgimna te tungsakin, naungeklai naupangte' nuntakna laksakin, nau piangkhaia tampitakte zong mibanglou dingin bawlsiatnak zel zel tazen uhi.

Khristian Hun a Zomi te' Gualzohna leh Hatna:

Tangthupha sangkhinta leh nuntakpih mite ihihzoh nungun, Zomi Khristian te in dawih leh kau te ki lau nawn vetlou in, amaute' tungah Jesu Khrist hangin gualzohna leh thuneihna ineita uhi. Tu hun in bel, eite tunga thunei leh vaihawmtu Toupa Pasion kia ahita hi. Pasion in bel phutluhi thu in bang mah hong ngen ngeilou a, phaltak leh lungdamtak a amah biakna a ipiak uh adeihzaw hi. Toupa tungah piakkhatna in eite' adingin thupha gualzawlina tam semsem hongtun zomah lai hi. Itna leh deih sakna toh thupha namkim

hongpe nuam I Toupa Pasion in minthanna tang tawntung ta hen aw!

Nidang lai in, Pi-Pu te'n Dawi-Biakna leh Kithoihna Pii-Bawl mahmah uhi:

Pi-pu te'n damlouhna aneih chiangun, dawite'n, amaute' tungah hehna leh lungkim louhna nei uh hidingin kimuang moh mawkmawk uhi. Tua hangin dawite' lungkimsak peuh le-uh, damkik dingin lametna nei tinten ahihman un, Siampi tungtawn in, dawite kiangah, kithoihna bawl in, dawiten anget bang bang uh a pia zel uhi. Tuabanga ahihchiangun natna leh damlouhna nei mite in zong chidamna mukik zel takpi uh kichi hi. Hichibangin dawite' thuneihna nuai ah, Pi leh pute genthei tak leh guallel takin hun sawtpitak sung pumpi, lungsim leh khalam ah saltang in ana om uhi. Hehpihuai lua sang' e Pi leh Pute!

Khrist a Um Mite Nuntakna ah Suahtakna leh Lungnopna a Om hi:

Eite' gamsung, leh nuntakna ah Tangthupha a hongtun zoh, Satan sal a kipan in suahtakna leh zalenna kingah hi. Chinatna leh damlouhna akineih zel zel hangin, dawite nasep leh bawlsiatna hidingin ki ngaihsun nawnlou in, leitunga nungtalai ihihman a natna leh thuakna te kituak zelzel ahihna kitel siamzaw

ta hi. Natna khenkhat bel, Pasian in amah' thupina leh vangliatna iphawk sem nading un ithuak uh aphal hi. Khristiante in leitung nuntak sungin, bangteng thuak a l om uh hangin, Toupa Pasian nei mite ihihtakman un, lungkimtak leh khamuangtak in ki omthei veve hi. Toupa hoih hi atawntung in maw!

Thukhupna:

Sanggam aw, Jesu Khrist in na nuntakna ah bang chibangin kilamdanna ahongtun ta hiam? Khrist in nangmah nuntakna ah lungnopna, khamuanna, leh gualzohna hongpiata hen!

Amen.

MELC PASTORS' GET TOGETHER -cum- COMMISSIONING SERVICE

Date 4th Jan, 2022 1 pm in MartinLuther Hall, MELC Campus a Pastors' Get Together cum Commissioning Service kinei ah, Rev Nengkhanlal, Director of Ministries in vaiguon lamkai in, Rev.Thangchinkhup, Local Pastor, Hq Church, Zomi Colony in hunpatna anei zou in Pastor te apat Sharing um in, sharing zou in Pastorte'n Thumkhawmna anei uhi, Thumkhawmna zou in Rev.Dr. Hangminthang, Local Pastor, Bethel Chapel Hiangzou in hanthonna thugen in, hanthonna zou Rev. Dr. S.K Manlun, Bishop MELC in in Pastorte ading in tukum Pasian na asepnua ua Pasian umpina leh mapuina atan na ding un thumsahna anei hi. Rev. Thangliankham, Local Pastor, Zoumunnuam in annkuong thumna nei in annkuong sohkawm uhi, tami vaiguon ah Pastorte a tamzaw hing thel thei uhi.



EVANGELIST COMMISSIONING SERVICE

MELC 67th Annual Assembly phasahna bang in Dated 25/01/2022 ni'n Martin Luther Hall ah Evangelist mi thum (3) - Evan. M. Goukhanpau, Evan. Ginminlun Tawtah leh Evan Khailianthang te Commissioning Service vaiguon kinei hi.

Tam vaiguon ah MELC Office Staff teleh Evangelisten a innsung mite leh a lawm tetoh vaiguon kijang khawm hi. Tam vaiguon ah Upa S. Zamzalam, Dy. Moderator in conduct hina toh mapui a, Rev. Kamminthang, Director of Mission in vaidawn thugenna anei hi. Rev. Nengkhanlal Milun, Director of Ministries in nuamthugenna anei a, Upa Nengkhenhang, Moderator in hunkhahna abawl hi.

Evangelist mi thumte, Rt. Rev. Dr. S.K Manlun, Bishop MELC in Commissioning Service abawl hi. Laisiengthou 2 Cor. 8:18-24; 5:20 pansan in Pasian thu toh hanthon thugenna anei hi. Tuazou in amaute khat khat in sawlkhietna anei a, thumsahna toh anei hi. Pasian in Evangelist te hing janga i gam sung leh hattuom sunga khantanhoi thupha tuntu muanhuai ahing hi ding i lam en hi. Tualeh amaute a dingin zong thumpi chiet dingin ikingen in ikitheisah hi. Mangpa'n amaute guolzawl taken.



Patron Memberte

- | | | |
|--------------------------------|-------------------------------|---------------------------------|
| 1. (L) Upa T. Chinzakhai | 56. (L) Upa Pumzagin | 111. Pu T. Samuel Tualminthang |
| 2. Pi Warlita Manlun | 57. (L) Rev. Khaamthang | 112. Evan. T. Dongzalam |
| 3. Pu M. Khamzaming | 58. Pu T. Lamzagin ASC (Retd) | 113. Upa Paukhosuan |
| 4. (L) Upa T. Gougim | 59. Upa S. Kammang | 114. Pastor Ginsuanthang |
| 5. Upa M. Kaichinkham | 60. Pu L/Nk Mangchinthang | 115. Upa M. Khupkhanhau (Retd) |
| 6. P. Vungzathang | 61. Pu Pumkhanmang | 116. Pu M. Haukholian |
| 7. Pu P. Chinzakhup | 62. Upa Tunzagin | 117. Pastor Chinlunmang |
| 8. Pi Chinnu (Mrs.Gouzadou) | 63. Pi Zengaihniang | 118. Pu H. Khaikhogin |
| 9. Upa D. Khupsuanpau | 64. Pu Chinsuanlam | 119. Pu T. Chinkhohau |
| 10. (L) Pu Thangkhanlal | 65. Nu Kangnu | 120. Pastor Khupdokhen |
| 11. Upa M. Jangkhhohau | 66. Pu Genkapthang | 121. Pu Khamkhanhau |
| 12. Upa T. Gouzalal | 67. Pu Paul Henkholal | 122. Pi Lunsuanchiin |
| 13. Upa Jangkhhogin | 68. Upa Nengkhenthang | 123. Upa Tutzamung |
| 14. (L) Upa M. Khamzathong | 69. (L) Rev. P.K. Khama | 124. Pu Dongzakam |
| 15. (L) Pu H. Thangmang | 70. (L) Pi Nuamneikim | 125. Upa Thangchinhang |
| 16. Pu M. Ginzasuan | 71. Pu Dr. David Vumlallian | 126. Evan. Thangkhanpiang |
| 17. Pu M. Kailam | 72. Upa Ginzalam | 127. Pi Goikhanman |
| 18. (L) Pu T. Soiminthang | 73. Rev.Kamminthang Tungnung | 128. Upa Zamkhosuan |
| 19. Pu S. Suankhothong | 74. Rev. Thanglianckham | 129. Pu Jamchinpau Samte |
| 20. Pu S. Tunsuanhang | 75. Rev. Nangkhanlal | 130. Sya Tunzalang |
| 21. (L) Pu Hauchinmang | 76. Sya Dongzapum | 131. Evan. D. Ginpu |
| 22. (L) Dr. Upa Tongkhhokai | 77. Dr. N.D. Samte | 132. Pastor Khamkhenthang |
| 23. Pu T. Ginzamang | 78. Pu Sienzathang | 133. (L) Upa Chinsuanpau |
| 24. Pu T. Goupau | 79. Pu Sheshei | 134. Pu P. Tunzamang |
| 25. (L) Dr. Lampu | 80. Rev. Dr. S.K. Manlun | 135. Pastor Kamneithang |
| 26. Pu P. Sanjeev | 81. Pu Hauliankap | 136. Mother Nuamzavung |
| 27. Upa P. Kamzadou | 82. Pastornu Niangzadim | 137. (L) Upa Thongzalam |
| 28. Dr. Ginniing | 83. Rev. Ngilzakhup | 138. Pu Kaikhankap |
| 29. (L) Upa Lt. Col.Thongzadou | 84. Pu Hausuanthang | 139. Ex-Sub. Upa Kaichinpau |
| 30. Pu John Zamkhomang | 85. Upa Khamchinlam | 140. Pu Ex-Hav. Thangzakhup |
| 31. (L) Pu M. Lunkhoneh | 86. (L) Khaiminlian (13 yrs) | 141. Upa S. Suanzakham |
| 32. Pu Kapzaming | 87. Upa H. Khamzaming | 142. P. Chinminthang |
| 33. (L) Pu Hauchinthang | 88. Pu P. Sienzadong | 143. Rev. Retd.S.Nengkhanmang |
| 34. (L) Upa S. Khamzalam | 89. Pi Neikhokim | 144. Pu T. Lianchinlam |
| 35. (L) Upa Sub. Lianchinmang | 90. Pu Hausuanlam | 145. David Kapsuanmung Zo |
| 36. Upa S. Zamzalam | 91. Pu Ginminthang (Gigin) | 146. Nu Vunghauniang |
| 37. Pu Khamzatun | 92. Pu Khupminthang | 147. Tv. Goumuankhup |
| 38. Pi Nemmang | 93. Nu Lhainei | 148. Khupno Tombing |
| 39. Upa Tuahchinhou | 94. Rev. Kamminthang | 149. Ginshanglian Samte |
| 40. (L) Upa Kaikhohau | 95. Pi Ngailianmoi (Momoi) | 150. Ex.Hav. Khupzathang |
| 41. Dr. Jainson Haokip | 96. Pu Aron T. Muanthang | 151. Nu Muanchig Sangma |
| 42. Pu Kapkhanthang | 97. Pu Thongneipau | 152. Sub. P. Goukhanlian Zou |
| 43. Pi Manpi | 98. Pu Daikhanthang | 153. Ex-Hav. Sianzakhai Munlao |
| 44. Pu Philip Thanglienmang | 99. Upapu Soikhohau Samte | 154. (L) Upa Thangkhhokam |
| 45. Upa Haukholam | 100. Rev.Retd. Thangkhanmang | 155. Upa Thangkhhojam |
| 46. Upa Kaikhlanun | 101. Rev. Nengkhanlal | 156. Pastor Kapkhanhau |
| 47. Pi Lhingneiting (Helhing) | 102. Pastor Lamgen | 157. Pastor Thangkhhongam |
| 48. Pu Thangchinsuan | 103. Pi Cicilia Maman | 158. Upa M. Ginkhankhup |
| 49. Pi Goukhoniang | 104. (L) Pastor Kamzathang | 159. Upa T. Pumminlal |
| 50. (L) Pu T. Gouchinthang | 105. Upa T. Nungkhochinpau | 160. Pa M. Khamnuanlian Zou |
| 51. Pu M.L. Thanghau Zou | 106. (L) Rev. Dousuanthang | 161. Nh. Momawi Milun |
| 52. Rev. Dr. V. Hangminthang | 107. Rev. Hangpi Manlun | 162. Upa M. Hauminthang |
| 53. Rev. Dr. Ginkhanmung Zou | 108. Tv. Hauthang | 163. Pastor Kamsuanlal |
| 54. (L) Ex.Nk. T. Dongminthang | 109. Rev. Thangkhhinkhup | 164. Ex.Sub.Upa T. Mangkhenmung |
| 55. Pi Neingaihniang | 110. Pastor Kapsuankhup | 165. Pu T. Ginkhhohang |
| | | 166. Upa V. Lawmsang |
| | | 167. Pa Sawmkkhol |
| | | 168. Pa Lianzagou Zou |
| | | 169. Nh. Nuamboi (W/Promoter) |

Koipou Patron member a pang utte a dingin ₹. 2000/- pie in a pang thei gige hi.

If undelivered, please return to

The Editor, Gospel Tangkou
MELC Office, Hqtr. Zomi Colony
Post Box – 10, Churachandpur - 795 128
Manipur, India,
e-mail : melchqtrs@gmail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo,hattuom khanletna ding)

(RNI Regd. No:62170/95 MNP 76)
BOOK POST

To

.....

.....

.....

*Layout & Typesetting @
MELC Office
Printed @
Thawmsons Color Press,
H. Lamka*